

INUIT ATAQATIGIIT

Inatsisartuni



UKA 2020/imm. 9
Ulloq 3. November 2020
Stine Egede

Inatsisartut Ombudsmandiata 2019-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.
(Inatsisinut Ataatsimiititaliaq)

Inuit Ataqatigiinni Inatsisartut Ombudsmandiata 2019-mi nalunaarut imaattumik oqaaseqassaagut.

Nalunaarusiaq atuarlugu suliarineqarsimasunut nassuiaatit assigiinngitsut atuarneqarsinnaapput ilaatigut; tusagassiuutitigut aamma sammineqangaatsiarsimasoq, tassalu oqariartuutigineqartoq sulianut aaliangersimasunut tunngatillugu, pisortat tusagassiuutit naqitat aqutigalugit sullitanut nalunaaruteqartarnerat naammangittoq.

Suliap suulluunniit naammassinerani allakkatigut inuup angerlarsimaffigisaanut nalunaaruteqarneq pisassasoq naqissuserneqarpoq.

Ukiup ingerlanerani tusagassiuutitigut tusartarpavut Ombudsmandip pisortat suliannik aaliangiinerit misissuiffigisimallugit oqaaseqarfigisaraat.

Imaluunniit Ombudsmandi nunatsinni angalanermini pisortat suliffeqarfiutaanut pulaarnermi kingorna aaqqittariaqartunik oqariartuutunik saqqummiussaqaartartoq.

Tamannalu toqqissisimanartutut isigaarput. Suliallu amerlatsikkiartornerannut takussutissaavoq Ombudsmandeqarfimmi sulisut ilasariaqartarnerannut.

Inuit Ataqatigiinni taasariaqarsorisarput tassaavoq Naalackersuisoqarfimmi pissaanerup agguarneqarsimanginnerata kingunerisaanik, innuttaasut inatsisitigut illersorneqarnerannut tunngasoq.

Ukiuni arlaqalersuni Ombudsmandip Naalackersuisunut noqqaassutigisimasaa, ajoraluartumillu suli aaqqiivigineqanngitsoq. Tamanna piaartumik Naalackersuisut Siulittaasuannut kaammattuutigissavarput aaqqeqqullugu.

Tamannami ilaatigut isumaqarpoq, ullumikkut assersuutigalugu isumaginninnerup iluani aaliangiinerni innuttaasut naammagittaalliornerminni, tassa eqqunngitsumik sullinneqarsimanermik misigisimanermini, naammagittaalliorfarfiup qaavatigut Naalackersuisumut akisussaasumut naammagittaalliorsinnaaffeqannginnerat.

Tamannalu innuttaasut illersorneqarnerat eqqarsaatigalugu piaartumik aaqqiivigineqartariaqartutut isigaarput. Nunatut isumalerujussuuvuq innuttatta sutigut tamatigut pisortanit sullinneqarnerminni illersorfissaqartutut misiginissaat.

Taama oqaaseqarluta Ombudsmandi, sulisuilu tamaasa suliamut imaannaangittarsinnaasunut qutsavigaagut, sulilluaqqinnissaannillu kissaallugit nalunaarusiaq tusaatissatut tiguarput.

Qujanaq.